



Siverth K. Heilmann

UPA 2022/19

Atassut

26. april 2022

**Kalaallit Nunaanni eqqartuussisarnermik inatsisip aamma naalagaaffimmi tjenestemandit Kalaallit Nunaanniittut pillugit inatsisip allangortinneqarnissaannik inatsisissatut siunnersuummut missingiutip (Pinerluttulerinermi eqqartuussisarnermi digitalimik attaveqaatinik atuineq, suliassat nassuernertut suliarineqartut, najuutinningitsoornermi eqqartuussutit, eqqartuussisut aamma najukkami eqqartuussisut tunuartussaataitanerannut ukioritinneqartut il.il.) Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut**

(Aningaasaqarnermut, Aatsitassanut, Inatsisip Atuutsinneqarnerannut Naligiissitaanermullu Naalakkersuisoq)

Eqqartuussisarnermik nalagaaffimmi tjenestemandit Kalaallit Nunaanniittut pillugit inatsisip allangortinneqarnissaannik il il siunnersuummut Naalakkersuisut saqqummiussaqaqarneranut qujanaq, imatullu naatsumik Atassummiit oqaaseqarfigisavarput.

Pinerluttuliornermut inatsit malillugu pinerluuteqartullu isumannaatsuutitsinissamik arlalitsigut allanguiniarnermik ullutsinnullu naleqqussaaniarluni qulakkeerniarlugit Naalakkersuisut saqqummiussaqaqarneranni tunngavilersuutaasut paasinarluartutut Atassummiit nalilerpagut isumaqatigalugillu.

Kalaallit Nunaanni Eqqartuussisoqarfimmi eqqartuussisut aamma inatsisilerituut tjenestemanditut sulisut 65-ileereeraangamik atuuffimminnit unittarnissaat 70-inik ukioqalernissamik tungaanut kissaatigigunikku suliinnarsinnaaneratt periarfissinniarneqarmat Atassutip politikikkut oqariartuutigisartagaanut naleqqulluinnarmat isumaqatiginaqaaq.

Taamatullu naatsumik oqaaseqarluta, suliap aappassaaneerneqatigani ataatsimiititaliamut susassaartumut nalilersuisoqarnissaa Atassummiit inassutigaarput.

Qujanaq.